

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Broj: 10/E-11-4107/26
Sarajevo, ~~11-08-2026~~ godine

Na osnovu člana 70. stav (1), (2), (3) i (6) Zakona o javnim nabavkama („Službeni glasnik BiH”, br. 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo”, broj 23/04), na prijedlog Komisije za nabavku roba, usluga i radova II, imenovana Rješenjem Općinskog načelnika, broj: 10-45-150/26 od 06.03.2026. godine (u daljem tekstu: Komisija II), u postupku javne nabavke: Nabavka zimskih i ljetnih kompleta odjeće i obuće pripadnicima Službe za spašavanje sa visina, u prirodi na vodi i pod vodom, putem otvorenog postupka (Zapisnik o pregledu i ocjeni ponuda broj: 10/E-11-4107/26 od 31.07.2026. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „**ABC SPORTING**“ d.o.o. Banja Luka, ulica Aleja Svetog Save broj 59, 78000 Banja Luka, broj ponude: 186/26 od 28.07.2026. godine, za nabavku zimskih i ljetnih kompleta odjeće i obuće pripadnicima Službe za spašavanje sa visina, u prirodi na vodi i pod vodom, putem otvorenog postupka, po cijeni od 85.460,00 KM bez PDV-a, odnosno u ukupnom iznosu od 99.988,20 KM sa PDV-om.
- II.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- III.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke zimskih i ljetnih kompleta odjeće i obuće pripadnicima Službe za spašavanje sa visina, u prirodi na vodi i pod vodom, pokrenut je Odlukom Općinskog načelnika o pokretanju postupka javne nabavke, putem otvorenog postupka, broj: 10/E-11-4107/26 od 25.06.2026. godine. Predmet nabavke nije podijeljen je na LOT-ove.

Ukupna procijenjena vrijednost javne nabavke iznosi 85.470,00 KM bez PDV-a.

Obavještenje o nabavci: 848-1-1-113-3-167/26 od 09.07.2026. godine, objavljeno je na Portalu javnih nabavki (www.ejn.gov.ba).

U krajnjem roku za dostavljanje ponuda, određenom tenderskom dokumentacijom (30.07.2026. godine do 10.00 sati), na adresu ugovornog organa zaprimljena je jedna ponuda ponuđača „ABC SPORTING” d.o.o. Banja Luka. Neblagovremeno pristiglih ponuda nije bilo.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude.

Nakon što je utvrđena blagovremenost i urednost dostave, pročitana je cijena ponude, kako slijedi:

R/b	Ponuđač	Ukupna cijena bez PDV-a (KM)	Popust (%)
1.	„ABC SPORTING“ d.o.o. Banja Luka	85.460,00	/

Nakon izvršenog javnog otvaranja ponude, Komisija II je na zatvorenom sastanku pristupila detaljnom pregledu i analizi dokumentacije priložene uz ponudu, s ciljem utvrđivanja njene prihvatljivosti u pogledu oblika, sadržaja i potpunosti, provjere kvalifikacija ponuđača, ocjene tehničke prihvatljivosti ponude, kao i njene usklađenosti s tenderskom dokumentacijom, Zakonom o javnim nabavkama i odgovarajućim podzakonskim propisima.

Na osnovu uslova i zahtjeva iz tenderske dokumentacije koji se odnose na kvalifikaciju ponuđača, Komisija II je, nakon izvršenog pregleda i analize dokumentacije, jednoglasno utvrdila da ponuđač ispunjava sve formalno-pravne, tehničke i profesionalne uslove propisane tenderskom dokumentacijom.

Komisija II je izvršila i detaljnu računsku provjeru pristigle ponude u postupku javne nabavke pod nazivom „Nabavka zimskih i ljetnih kompleta odjeće i obuće pripadnicima Službe za spašavanje sa visina, u prirodi, na vodi i pod vodom“ te konstatovala da je ponuda računski ispravna i da je ukupna cijena ponude s PDV-om pravilno obračunata.

S obzirom na to da je predmetna ponuda pripremljena u skladu sa zahtjevima ugovornog organa, Komisija II ju je ocijenila prihvatljivom u smislu člana 2. stav (1) tačka I) alineja 1. Zakona o javnim nabavkama.

U daljem toku postupka Komisija II je izvršila analizu i ocjenu dostavljene prihvatljive ponude prema kriteriju za dodjelu ugovora „najniža cijena“, shodno članu 64. stav (1) tačka b) Zakona o javnim nabavkama.

R/b	Ponuđač	Ukupna cijena bez PDV-a (KM)
1.	„ABC SPORTING“ d.o.o. Banja Luka	85.460,00

Na temelju vrednovanja i rangiranja, u skladu s kriterijem „najniža cijena“ i članom 64. stav (1), tačkom b) Zakona o javnim nabavkama, utvrđen je sljedeći poredak:

Rang	Ponuđač	Ukupna cijena bez PDV-a (KM)
1.	„ABC SPORTING“ d.o.o. Banja Luka	85.460,00

Tenderskom dokumentacijom predviđeno je provođenje e-aukcije, što je navedeno i u Obavještenju o nabavci broj 848-1-1-113-3-167/26 od 09.07.2026. godine. S obzirom na to da je primljena samo jedna prihvatljiva ponuda, e-aukcija nije zakazana, u skladu sa članom 4. stav (2) Pravilnika o uslovima i načinu korištenja e-aukcije („Službeni glasnik BiH“, broj 80/23), te je donesena odluka o izboru najpovoljnijeg ponuđača u skladu sa članom 69. Zakona o javnim nabavkama („Službeni glasnik BiH“, br. 39/14, 59/22 i 50/24).

PREPORUKA O PRIHVATANJU PONUDE

Ponuđača **„ABC SPORTING“ d.o.o. Banja Luka**, ulica Aleja Svetog Save broj 59, 78000 Banja Luka, broj ponude: 186/26 od 28.07.2026. godine, putem otvorenog postupka, po cijeni od 85.460,00 KM bez PDV-a, odnosno u ukupnom iznosu od 99.988,20 KM sa PDV-om, za nabavku zimskih i ljetnih kompleta odjeće i obuće pripadnicima Službe za spašavanje sa visina, u prirodi na vodi i pod vodom.

Sa izabranim ponuđačem će se zaključiti ugovor, kojim će se regulisati međusobna prava i obaveze ugovornih strana.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH”, br. 39/14, 59/22 i 50/24).

Naknada za pokretanje žalbenog postupka iznosi 3.000,00 KM u skladu sa članom 108. stav (1) tačka c) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda

broj: 10/E-11-4107/26 od 31.07.2026. godine



Dostaviti:

1. Ponuđaču: „ABC SPORTING“ d.o.o. Banja Luka
ulica Aleja Svetog Save broj 59, 78000 Banja Luka
2. Službi za civilnu zaštitu
3. Kabinetu općinskog načelnika – Odsjeku za javne nabavke
4. Službi za finansije
5. U spis